

I. PASQYRAT FINANCIARE DHE TREGUESIT E RENTABILITETIT - MARS 2013

Alpha Bank A.E. – Dega e Tiranës u krijua në 1998 si degë e Alpha Bank A.E., Athinë (“Zyra Qëndrore”), e cila është mëma përfundimtare e grupit të shoqërive Alpha Bank. Më 19 Dhjetor 2006 Këshilli Drejtues i Zyrës Qëndrore miratoi një ndryshim të emrit të Bankës në Alpha Bank – Albania (“Banka”). Selia e regjistruar e Bankës ndodhet në Rrugën e Kavajës, Qendra e Biznesit G – Kam, kati i 2të, Tiranë, Shqipëri. Banka është licensuar nga Banka e Shqipërisë për transferimin e pagesave, aktivitete të huasë dhe depozitimit, dhe aktivitete të tjera në përputhje me Ligjin “Për Bankat në Republikën e Shqipërisë” (Nr. 8365 datë 2 Korrik 1998, ndryshuar më 18 Dhjetor 2006) dhe me ligjin “Për Bankën e Shqipërisë” (Nr. 8269 datë 23 Dhjetor 1997). Banka ka një rrjet me 42 degë në të gjithë vendin (2012: 42 degë). Me vendim të Këshillit Mbikëqyrës të Bankës së Shqipërisë nr.14, datë 29.02.2012 Banka u shndërrua nga degë në filial/bankë vendase dhe u licensua në 17 Maj 2012 për kryerjen e veprimtarive bankare sipas përcaktimit të nenit 4 të ligjit nr.9662, datë 18.12.2006 “Për bankat në Republikën e Shqipërisë” duke marrë emrin Banka Alpha Albania sha. Treguesit e rentabilitetit të bankës më 31 Mars 2013 mund t’i referoheni tabelës numër 1 të excel faqe 1. Banka më 31 Mars 2013 ka një total aktiveve prej 71,755,163 mijë lekë (referoju tabelës numër 2 të excel, faqe 2). Fitimi operativ i bankës më 31 Mars 2013 është 136,996 mijë lekë (referoju tabelës numër 3 të excel, faqe 3).

II. RISQET DHE DREJTIMI I TYRE

Risku i likuiditetit Drejtimi i likuiditetit dhe i riskut të likuiditetit bëhet në përputhje me politikat e brendshme të Bankës dhe të Grupit si edhe në përputhje me rregulloren e Bankës së Shqipërisë Nr. 71 datë 14/10/2009 “Për administrimin e rrezikut të likuiditetit”. Gjatë tremujorit të parë të vitit, treguesit e likuiditetit të Bankës (të përlllogaritur sipas kërkesave rregullatore të Bankës së Shqipërisë) kanë qenë vazhdimisht më të larta se nivelet minimale të kërkuara nga BoA. Në fund të marsit 2013, aktivet likuide ishin 25.4 miliardë lekë ndërkohë që pasivet afatshkurtra ishin 62.7 miliardë lekë. Mesatarisht, gjatë tremujorit të parë, raporti i aktiveve likuide në lekë ndaj pasiveve afatshkurtra ka qenë mbi 45.6%. I njëjti raport për monedhat e huaja ka qenë rreth 29%. Treguesi total, i cili përfshin të gjitha monedhat ka qenë në një nivel shumë të kënaqshëm rreth 36% (referoju tabelës numër 11 të excel, faqe 11).

Risku operacional Risku operacional është risku i humbjes së drejtëpërdrejtë ose të tërthortë që vjen si rezultat i një sërë shkaqesh të lidhura me proceset, personelin, teknologjinë dhe infrastrukturën e Bankës, ashtu si edhe nga faktorë të jashtëm. Objektivi i Bankës është të

mbulojë humbjet e pritshme dhe të papritshme që burojnë nga risqet operacionale. Drejtimi i riskut operacional bëhet në përputhje me politikat e procedurat e brendshme të Bankës, si edhe në përputhje me kërkesat e rregullores Nr. 03 datë 19/01/2011 “Për administrimin e rrezikut operacional”. Në përputhje me kuadrin e brendshëm dhe atë rregullator, Banka ka zhvilluar procedura dhe sisteme të cilat bëjnë të mundur identifikimin, vlerësimin dhe raportimin e ngjarjeve të riskut operacional. Në vijim të këtij raportimi, bëhet klasifikimi i humbjeve bruto sipas linjave të biznesit si dhe analiza të mëtejshme. Gjithashtu, Banka ka zhvilluar edhe një raportim mujor të disa treguesve kyç të riskut operacional të cilat raportohen në Grup dhe në Bankë të Shqipërisë. Vitin e fundit, Banka ka miratuar një procedurë të veçantë për vlerësimin e çështjeve ligjore ku Banka është e përfshirë, duke i paraprirë risqeve që mund të burojnë nga këto çështje.

Risku i kredisë Drejtimi i riskut të kredisë bëhet në përputhje me politikat e brendshme të Bankës dhe të Grupit si edhe në përputhje me rregulloren e Bankës së Shqipërisë Nr. 62 datë 14/09/2011 “Për administrimin e rrezikut të kredisë”. Banka i ka kushtuar një vëmendje të veçantë riskut të kredisë duke zhvilluar procedura të ndryshme me anë të të cilave mund të identifikohet, vlerësohet dhe monitorohet riskut i kredisë. Në strukturën e saj organizative, Banka ka zhvilluar struktura të ndryshme të cilat kanë përgjegjësi të mirëpërcaktuara qysh në fillesat e procesit të aplikimit për kredi, duke vijuar më tej me analizën dhe paraqitjen e aplikimit në komitetet përkatëse. Procesi i analizës dhe aprovimit i nënshtrohet parimit të katër syve si nga njësitë e biznesit ashtu edhe nga ato të kreditit. Procesi i monitorimit në vazhdimësi kryhet nga njësitë përkatëse e përmendura më sipër, si dhe nga njësia e menaxhimit të riskut për portofolin në tërësi. Gjithashtu, Banka, me mbështetjen e Grupit, ka zhvilluar dhe njëkohësisht përdor përgjatë procesit të aprovimit të kredisë teknikat e klasifikimit të brendshëm. Më konkretisht, Banka përdor modele të klasifikimit të brendshëm për klientet e biznesit, si dhe modele të pikësimit për produktet ofruar klientëve individë.

III. KAPITALI RREGULLATOR DHE MJAFTUESHMERIA E KAPITALIT

Kapitali i autorizuar, emtuar dhe paguar plotësisht përbëhet nga 100% pjesëmarrje e Alpha Bank A.E., Athinë. Kosto historike e kapitalit të paguar të Bankës përbëhet nga 10,080,000 USD, ekuivalent me 1,084,003 mijë Lek dhe 71,152,499 Eur ekuivalent me 9,876,117 mijë Lek. Kapitali rregullator i bankës më 31 Mars 2013 është 6,850,622 mijë lekë (referoju tabelës 9 në excel faqe 9). Raporti i Mjaftueshmërisë së Kapitalit është raporti i kapitalit rregullator mbi aktivet dhe zërat “jashtë bilancit” të ponderuara me risk, i shprehur në përqindje. Gjatë vitit 2011, Banka e Shqipërisë i ka kërkuar Bankës që të rrisë nivelin minimal të mjaftueshmërisë së kapitalit nga 12% (që është norma minimale për Bankat e

nivelit të dytë) në 15%. Banka e ka respektuar dhe tejkalar këtë normë në 17.64% (referoju tabelës 10 në excel faqe 10).